

畿輔通志卷二百五十六

列傳六十四

列女十二

國朝六都容城

唐縣完縣

博野蠡縣

望

國朝

唐縣

程格妻王氏格明諸生順治元年氏奉姑避難宋莊遇散寇欲掠以行氏抱樹不前賊以刃脅之罵愈厲遂遇害時年十

九事聞旌表

大清一統志

周復振妻宋氏性至孝姑病思肉氏割股炙以進姑食之疾

頓愈順治十四年事

縣志

臧爾勵妻左氏年十九爾勵故子恒甫三歲氏撫之守節六

十餘年恒弱冠入邑庠

康熙志兼孫府縣志

劉宏儒妻劉氏年二十一夫亡舅數逼之嫁氏斷髮毀容誓

死以守勤紡績撫孤成立守節三十餘年卒

張瑛妻劉氏年二十瑛故立嗣爲後矢志守節四十五年

庠生劉蕙妻李氏蕙疾篤囑之嫁氏泣曰君死妾豈能獨生

及蕙卒卽自縊同時諸生田雯妻陳氏年十七雯卒遺腹生

女泣謝其母一號而絕

大清一統志兼採縣志

庠生左懋賞妻王氏年二十懋賞卒誓以死殉舅姑泣慰乃

止仰事俯育孝慈兼盡厯節以終

縣志

胡來臣妻張氏年十九來臣遭變被殺氏撫遺腹孤矢志守

節四十餘年趙嘉謨妻馬氏年十八嘉謨卒撫幼子成立守

節四十餘年康熙十八年并旌

康熙志兼採縣志

喬得儒妻劉氏張眇女大姐均爲強暴所逼堅拒不從羞忿

自縊康熙五十三年并旌

大清一統志兼採縣志

豆瀟妻劉氏年十八瀟卒守節撫孤成立入泮李元興妻顧

氏年二十一元興故撫孤守節終身俱已旌

縣志

門五妻賈氏姑病篤夫婦侍疾至雞鳴賈入房暫息五異母
兄名四潛入調之賈驚覺喊拒四殺之乾隆四年三月事事

聞置四於法旌之如例

刑部
例案

康燦妻楊氏燦外出傭工村惡顧學康潛入其室欲污之楊

驚喊其子牛覺學康乃逸牛追之奪其衣帶次日楊泣訴於

姑使鳴官乘間自縊乾隆七年旌

同上

劉維和妻种氏年十九夫故守節五十五年康熙二十七年

旌表建坊

採訪冊
康熙志

儒童竇瀟妻劉氏年十八夫故遺孤甫三月撫存不辭荼苦

及長延師課讀入泮以壽終

同上

吏員陳誥繼妻某氏事姑至孝夫故氏年二十六毀容誓守撫孤成立姑死喪葬盡禮素好施濟待以舉火者數十家有

司旌其門曰節婦義母

雍正志

監生崔振裔妻劉氏年二十四夫亡撫遺孤堅教誨成立有司屢匾其門

生員王心誠妻李氏年二十六夫故誓守堅貞治家有法大宗伯韓葵旌其門

貢生王寅妻王氏年二十餘夫故撫遺孤教訓成立邑令旌其門曰松筠節操

劉浥妻師氏年十八夫故痛欲自縊救免撫十月孤成立邑令匾其門曰節操鍾祥

李逢時妻康氏年二十夫故守節撫嗣邑令匾其門曰節義

可風

李偏兒母劉氏年二十三夫亡苦無棺鬻三歲孤殮葬之母
勸改嫁氏誓不從日兒賣夫嗣絕矣積紡績資贖子還藜藿
度日知縣吳肇煌獎異之

生員臧冲妻趙氏年二十六夫病篤禱神願以身代夫故毀
容堅守養親撫孤入泮邑令李士楷匾其閭

陳瑞妻邱氏姑患癰起居飲食服勞二十餘年無倦色時逢
地震家人皆竄氏獨負姑出而牆始隕姑泣曰媳孝達上蒼
矣姑卒葬祭盡禮遠近稱之

俱同上

石鶴齡妻陳氏年二十二夫亡家貧紡績孝事翁姑教子純
讀書親爲講解卒年九十孫榮之曾孫超然俱諸生

縣新志

賈紹泰妻劉氏年二十二夫故孝事孀姑撫孤守節乾隆年

間旌表建坊

監生田生德妻年二十夫亡繼姪爲嗣善事翁姑學使金匾其門曰冰節純孝乾隆五十二年旌表建坊

李良士妻徐氏年二十五夫亡繼姪爲嗣孝事翁姑紡績成家酸辛備歷卒年八十一歲學使會匾其門

庠生劉成柱妻張氏年十九夫亡撫姪淦愛如已出勤苦守節卒年六十六歲學使會匾其門

甄耀妻王氏年二十七夫故苦節堅貞孀居四十餘年嘉慶二十一年邑令陳匾其門

邱文魁母劉氏年三十夫故守節孝事孀姑嘉慶二十三年邑令李匾其門

韓繼寬妻劉氏年二十九夫亡孝養姑舅娣姒七人和以處

之撫二子成立孫九人曾孫二十餘人一門興盛人咸謂苦節之報卒年八十有四學使匾其門

劉起麟妻王氏年二十一夫故守節事親以禮教子樹德入庠學政杜以金貞玉粹匾其門

王佐妻程氏年二十夫故撫姪爲嗣姑失明疾篤侍湯藥不離左右姑亡喪葬盡禮課子入太學平生怒不詬訾喜不談笑非宗族婚喪不出閨門里中婦女皆敬服稱爲女師傳學政劉匾其門曰砥節維風

張士宗妻馬氏年二十四夫故守節四十三年子永年貢生御史謝額其門曰松柏勵節

王苞妻汪氏年二十夫亡守節家貧以紡績爲業事親撫孤克盡厥職卒年七十四道光元年旌

邱有秩妻王氏年二十夫亡撫姪保清爲嗣愛如已出延師訓誨入太學操持農桑學使帥表其門曰孝慈完節

張茂德妻甄氏道光二十一年德卒氏奉親教子誓死靡他苦節三十餘年

儒生臧臣敬繼室賈氏年二十八夫故撫遺孤勤紡績以事孀姑親操井臼姑歿喪葬盡禮年八十卒

文董薛銘妻田氏年二十七守節紡績自給撫嗣姪讀書卒年七十六歲

魏良繼室張氏年二十于歸逾五月夫亡家貧撫族姪爲嗣前室遺三女愛如已出卒年六十四歲

張希貢妻胡氏年二十一夫故事親撫孤持家守節年四十三歲卒

武生陳倍功妻耿氏年二十七夫故撫姪永春爲嗣善事翁姑子孫多入泮卒年八十五歲道光二十七年工部尙書陳匾其門

劉祥妻李氏年二十三夫亡無子撫姪常潔爲嗣愛如已出卒年八十六歲

童生王敷寬妻曹氏年二十九夫亡撫孤成立以孝稱咸豐元年邑令溫匾其門

左興保妻臧氏年二十四夫亡無子家貧紡績餬口翁姑年七十餘事之惟謹翁姑歿撫族姪庭林成立娶婦侯氏生子鳳翔而寡年二十六事姑盡孝撫鳳翔成立娶妻段氏年二十八亦寡段守節儉勤克盡撫族姪清澗爲嗣臧氏卒年七十餘侯氏六十三歲卒段氏四十一歲卒一門三節鄉里稱

之

聶元登妻李氏年二十五夫故撫姪萬興爲嗣事姑教子勤儉治家七十三歲卒

和爲貴妻馮氏年二十六夫故家貧子患癰疾早亡撫姪忠盡爲嗣愛之如已出卒年七十七歲

楊連妻董氏年二十一夫故無子家赤貧生平不苟言笑勤儉自持守節四十餘年

生員聶步墀妻游氏年二十九夫故子幼善事舅姑宗族鄉里皆稱其孝守節三十三年

監生陳緒妻李氏年二十九守節孝事舅姑撫姪錫纓爲嗣卒年六十五歲

張士妻石氏年十八夫故子僅週歲依母家守節撫孤成立

四十四歲卒

張逢泰妻劉氏年二十五夫故撫姪爲嗣四十二歲卒咸豐元年學使程表其門曰金石同貞

石成功妻桂氏年二十三夫故遺子二撫之守節四十餘年皆入太學孫懷琇食饒邑令饒匾其門

周煥妻劉氏夫早卒遺孤騰鳳撫養成立入太學邑令饒匾其門

文童李時龍妻段氏年十七夫卒守節奉姑克盡婦道撫姪復元爲嗣教之讀書復元娶張氏亦早寡事姑撫子壽七十三歲邑令饒匾其門

孫黃茂妻任氏年二十六夫亡撫遺子共安治躬勤儉堅貞自矢咸豐五年卒守節五十五年

楊作蓮妻孫氏年二十八夫亡遺孤儒甫四歲孝事翁姑勤儉守節終身後嗣蕃衍

聶步坦繼室段氏年二十六夫故前室子愛如已出撫之成立守節三十六年

孫進序妻張氏年二十九夫亡繼姪大學爲嗣清苦守節四十餘年道光二十八年邑令匾其門

王永業妻周氏年二十九夫故家貧孝事翁姑慈撫孤幼守節五十六年邑令溫匾其門

崔禕妻劉氏年二十四夫故遺孤金章甫週歲翁卒喪葬盡禮姑逾六旬病癱六年奉事不懈教子金章入庠守節五十年邑令郝匾其門

生員趙濬源妻劉氏年十九夫故無子姑病癱步履須人氏

服事多年無倦色撫姪爲嗣守節終身

聶珍妻邵氏年十九夫故孝養翁姑撫姪恆泰爲嗣教之入泮七十三歲卒守節五十五年

馬佩珠妻霍氏年二十三夫故撫姪躬修爲嗣奉養翁姑持家勤儉七十五歲卒

李如修妻馬氏年二十八夫亡家貧紡績撫孤成立守節四十餘年七十四歲卒

馬文魁妻劉氏年二十二夫亡守節三十餘年子祥麟入武庠咸豐九年學政萬匾其門曰志切姜舟

田琛妻王氏年二十二夫亡遺孤紹和未週歲撫之成立孝事翁姑壽七十一歲卒學使匾其門

趙思德妻王氏年二十九夫故五十九歲卒守節三十一年

無子女亦無田產勤儉自苦無疾而終人謂苦節之報

竇文仲妻黃氏年二十八夫故遺子成仁方數歲孀姑垂暮家業蕭然氏以鍼黹度日孝慈兼盡苦節四十六年

王煜妻臧氏年二十一夫亡撫遺腹子至十餘歲而天守節不二壽六十餘歲卒

馬四科繼妻李氏年二十三夫故子方週歲前室女一並撫成立孝事翁姑生死盡禮勤儉家以豐裕孫四人卒年五十五歲

王三成妻王氏年二十二夫故遺孤甫週歲家貧翁姑殷夫兄欲令改適堅志自守紡績度日撫子成立卒年八十有六陳大業妻劉氏年二十夫亡無子哀毀欲殉族人責以大義氏聞而避之孝順翁姑撫姪爲嗣教之讀書苦守四十四年

陳大名妻趙氏年十九夫亡孝養翁姑撫姪文郁爲嗣教之讀書入庠卒年七十三歲

張士秀妻史氏年二十一夫亡遺孤早天家赤貧拾柴紡績節操彌堅卒年四十九歲夫叔張貴以長孫爲之嗣

儒童楊周頌妻鮑氏年十五于歸越二十七日夫亡誓絕粒以殉翁姑勸止姑疾侍湯藥晝夜不懈翁姑歿喪葬盡禮撫姪爲嗣咸豐十年旌表建坊

楊憲妻李氏性好儉素嫻閨訓操女工不少輟同治七年于歸奉侍盥櫛得舅姑歡氏父宦山西往省之未數月姑病歿聞訃絕而復甦者再強起奔喪歸時憲已痛母而亡氏日子旣殉母婦定殉如兼殉夫矣不食而卒

劉家助母陳氏年二十夫亡哀泣欲絕族人勉以大義苦辛

自勵孝親教子守節四十七年

陳瑞妻南氏年二十二夫故遺子春甫週歲家徒四壁紡績不輟日僅一餐清操堅苦守節五十年

馬成緒妻王氏年二十九夫故遺二子俱幼勤儉治家周人之急不吝守節四十四年

武生李雲蛟繼室路氏年二十六夫故遺前室三子愛如已出長入武庠三早亡撫遺孫成立守節四十餘年

庠生楊筌繼室陳氏年二十九夫亡於前室子撫養訓課無異己出鄉里稱其善教學使萬給匾旌之同治元年卒年七十一

賈要安妻劉氏年二十三夫亡撫姪爲嗣卒年七十二歲同治元年學政楊匾其門曰柏節松心

張治法妻徐氏年二十三夫故遺子宗禹甫四歲奉事翁姑治家明肅教子有方守節四十年

聶廷佐妻張氏年二十九夫亡子幼事翁姑色養備至性勤儉內外整肅鄉里稱之卒年八十六

劉英觀妻丁氏年二十八夫亡守節撫孤事舅姑孝舅東書殉難遣子恂尋骸皖省歸葬盡禮同治五年卒已旌

武生馬士元繼室康氏年二十八夫亡孝事翁姑撫前室女及二子皆成立壽七十一同治六年卒

閻景和妻王氏年二十五夫亡事姑撫幼紡績自給嫂強悍逼嫁奪資氏樹節愈堅隱忍之壽八十五孫曾蕃昌論者以爲苦節之報

崔寬林妻閻氏年三十夫亡撫姪爲嗣家貧或勸改適斥絕